

Transkript sa konferencije za medije međunarodnih organizacija

OHR, Oleg Milišić
EUFOR, Corrado Prado

OHR

Zabrinutost zbog činjenice da Predsjedništvo BiH nije ispoštovalo rok za strukturiranje oružanih snaga

Visoki predstavnik Christian Schwarz-Schilling je zabrinut zbog činjenice da Predsjedništvo BiH nije ispoštovalo zakonski predviđen rok za usvajanje predložene odluke o veličini, strukturi i stacioniranju oružanih snaga Bosne i Hercegovine (OS BiH).

U Zakonu o odbrani koji je stupio na snagu 28. decembra 2005 navodi se rok 1. juli, koji je istekao u petak u ponoć.

Visoki predstavnik je rekao danas da "propuštanjem ovog roka, Predsjedništvo BiH odlaže implementaciju vojnih reformi koje su od suštinskog značaja. Predsjedništvo, u svom svojstvu kolektivnog zapovjednika oružanih snaga, mora ovo pitanje urgentno razmotriti na narednom sastanku"

Naredni sastanak Predsjedništva BiH je sutra.

Predloženu odluku o veličini, strukturi i stacioniranju OS BiH izradili su ministar odbrane BiH Nikola Radovanović i njegov tim za tranziciju, uz savjetodavnu podršku NATO-a.

Upravni odbor Vijeća za implementaciju mira razgovarao je konkretno o ovom pitanju na sastanku koji je održan prošle sedmice, izrazivši nadu u kominikeu da "će se do 1. jula donijeti odluka koja će biti u skladu sa zakonom i koja će ispunjavati kriterije jedinstvenih vojnih snaga koje su kompatibilne sa snagama NATO-a".

Poslanici NSRS sebi povećali primanja

NSRS je jutros donijela Zakon o pravima i dužnostima poslanika. Kao što je urađeno u sličnim zakonima koji su nedavno stavljeni u parlamentarnu proceduru u Parlamentu BiH i Parlamentu FBiH, ovaj zakon u RS će omogućiti da poslanici Narodne skupštine dobiju više penzije i druge beneficije – značajno više od penzija i beneficija koje se isplaćuju građanima. NSRS je usvojila Zakon, iako je o njemu Vlada RS dala negativan stav.

Ovaj Zakon omogućava da svi koji su birani u Narodnu skupštinu od 1996. godine uživaju povoljnije uslove za penzionisanje od ostalih građana. Sredstva koja se dodjeljuju na ime ovih povećanih penzija, očigledno neće moći biti na raspolaganju za finansiranje krajnje potrebnih socijalnih programa.

Niko ne spori da poslanici u parlamentu treba da budu adekvatno nagrađeni za svoj rad. Međutim, ovdje se radi o tome da li je primjereno da poslanici podižu iznose beneficija koje primaju u trenutku kada se ekonomija nije razvila do mjere gdje je moguće povećati te beneficije i drugim radnicima.

U oktobru su izbori. mediji i građani bi trebali pitati svoje izabrane predstavnike zašto misle da bi trebali biti više nagrađeni za svoj rad od ostalih građana.

Produženje mandata Jolyja Dixona

U posljednje vrijeme čuju se špekulacije o produženju mandata Jolyja Dixona na mjestu predsjedavajućeg Uprave za indirektno oporezivanje. Činjenice su slijedeće: mandat g. Dixona istekao

je u petak. Visoki predstavnik je jučer razgovarao sa g. Dixonom.

Visoki predstavnik trenutno razmatra situaciju i za nekoliko dana će se znati dalji koraci.

Visoki predstavnik u susretu sa predstavnicima Mostara

Visoki predstavnik Christian Schwarz-Schilling danas će se sastati sa predstavnicima političkih stranaka u Mostaru koje učestvuju u radu Gradskog vijeća Mostara. Razgovarat će se o trenutnoj političkoj situaciji u Mostaru i koracima koji su potrebni za izvršenje preostalih zadataka ujedinjenja Mostara.

Nakon sastanka će biti upriličen kratki susret sa medijima – u 18.00 sati, u prostorijama OHR-a.

EUFOR

Nije bilo izjava.

Novinarska pitanja

Dragan Simović, SRNA

Kako sam shvatio, najavili ste da će gospodin Schwarz-Schilling produžiti mandat gospodinu Dixonu?

OHR

Nisam to rekao. Rekao sam da visoki predstavnik razmatra situaciju i u naredim danima očekujemo odluku kako dalje.